



ERĪWATĪKYA ERĪKALŪA ENDATA

Kyakokotibawa na
Watson Goodman

Ni kya busa—
si ky'erīgūlībwa

ERĪWATĪKYA ERĪKALŪA ENDATA

ERĪWATĪKYA ERĪKALŪA ENDATA ni kitabu ekĩkahĩndana-ya emilondo y'eBiblia oko myatsi mikulu-mikulu eyĩkakangĩrĩrĩ-bawa omo Biblia. Nyĩkĩrĩrye nyiti erĩkũmbũla ly'amasako lĩkalũa omo yindi milondo y'eBiblia.

Ekĩnywa kya Nyamuhanga kĩkalũa “endata”, kandi kwenene kĩkawatĩkaya emitima y'ab'enzala n'enyota eriminya eritungane-ne. Omugulu omundu akabindula omutima n'erireka ebibi; n'eriangirira Yesu Kristo omo mutima wuwe ng'Omũlamya, Nyamuhanga akamũsũlaya n'obutseme n'obuholo. Monaminya ekyo oko mwaka wa 1937, omugulu nasakana na Yesu Kristo. N'erĩhĩka lino nyine buguma naye. Neryo ngakulemba-lemba nawe nyiti, wangirire Yesu omo mutima wawe ng'Omukama n'Omũlamya wawe, wamabya isuliwamuminya.

Nĩ ngye Watson Goodman (1920-2002)

Olwanzo Lwa Nyamuhanga

1

Abanya Roma 5:8

Nikwa Nyamuhanga akakanga-ya olwanzo luwe busana nétu, kusangwa omugulu twabya tukine bakola nabi, Kristo mwatuholera.

Yoane 13:1

Nikwa embere w'Ebiro Biku-lu by'Erikiruka, Yesu mwaminya kw'endambī yiwe yamabīhika ey'erilūa omo kihugo kino eriya eyiri Īse. Abya iniabiryanza abu-we ababya omo kihugo, kandi mwanzabo erihika oko ndūlī.

Erībīsūlīrwa 1:5

Kandi bīkalūa uku Yesu Kri-sto, omūtūlī oyuteregula, Omuga-

la, akambere oyo walūbūkība-wa oko luholo, omūtabalī w'aba-mi b'ekihugo.

Yoane 3:16

Kusangwa Nyamuhanga mwa-nza ekihugo kyo atya kyaleka ini-aha Mugala wuwe, Ekyusa ki-we, neryo oyukamwīkīrīraya sya-hera, nīkwa abye n'engebe y'eri-kota.

Yeremīa 31:3

Omwami Mukulu mwahuluka kubo, akalūa hali ati, Īsraelī, na-birikwanza n'olwanzo lwa kera na kera. Neryo omo bubuya b'olwa-nzo nabirikuleta.

2 Yesu Kristo ni Nyamuhanga

Matayo 1:22, 23

Nikwa ebyosi ebī mobyabya bitya eriberererya ebyo Mukama abūgira omo mūmīnyererī ati, Lebaya omumbesa asyaheka obukule, asyabuta omugala, n'erīna liwe lyasyahulwa mo Emanūelī, nī 'būga ambu: Nyamuhanga haguma netu.

Yoane 14:9, 10

Yesu mwamubwira ati, Nabiribya nenyū omugulu ungaha, nīkwa sulitanyiminya kwehī Fīlipo? Oyo wamanyilangira iniabirilangira Tata. Busana nakī ūkabūga utī, Ūtūkangaye Tata kwehī? Fīlipo, sūlikīrīraya ko nyimatike-

ne na Tata, na Tata kw'amatikene ūkw'ingye kwehī? Ebīnywa ngababwira sīndībūgabo omw'iyihana lyage. Nikwa Tata oyumatikene nage akakola emībīrī yiwe.

Yoane 1:1, 14

Okw'itsūka ly'erimbere Ekīnywa kyabyaho, Ekīnywa ekyo kya-byahaguma na Nyamuhanga, kandi Ekīnywa ekyo kyabya Nyamuhanga. N'Ekīnywa ekyo mokyabya mundu, naye mwīkala omo katikatī ketu. Netu motwalangira olukengerwa luwe iloswīre n'olukogo n'ekwenene. Olu-kengerwa olū lwabya olwa Muga-la Ekyusa ekyabutawa na Tata.

Yesu, Omugala wa Nyamuhanga

3

Abanya Kolosaĩ 2:9

Kusangwa erimatikana na Kri-
sto liwite erihikana lyosi lya Nya-
muhanga omo mubiri.

Matayo 17:5

Abere akinabũga; ekitũ ekika-
ngabasenĩe mokasũkũlĩryabo;
neryo omulenge mwalũa omo kũ-
tũ ati, Oyũ ni Mugala wage mwa-
nze, namamutsemera ndeke; mũ-
mwowe.

I Yoane 4:15

Kandi oyũkalĩga ati Yesu ni
Mugala wa Nyamuhanga, neryo
Nyamuhanga amatikene naye, ka-
ndi naye amatikene na Nyamuha-
nga.

Luka 1:35

N'omũlaĩka mwamũsũbĩrya ati,
Omũlimũ Abũyĩrĩre asyakũhika-
ko, n'obũtokĩ b'Owendata Kutsi-
bu bwasyakũsũkũlĩrya; busana
n'omwatsi oyo, omwana abũyĩrĩ-
re oyo wasyabuta asyahulwa mo
Mugala wa Nyamuhanga.

Isaya 9:6

Kusangwa omwana asyabutwa
busana netu, twasyahabwa omu-
gala. N'obutabale bwasyabya oko
bitigo biwe. Erĩna liwe lyasyahu-
lwa mo Mũhanĩ w'Eriswekera,
Nyamuhanga Omũtokĩ, Tata w'E-
rikota, Omunya-mwami w'Obu-
holo.

4 Yesu akatubwira iye nga nindi

Yoane 9:5

Omugulu nyikine omo kihugo indi kyakakala ky'ekihugo.

Yoane 10:7

Neryo Yesu mwabūga nabo kandi, ati, Kwenene, kwenene ngabūga nenyū, Ingye indi lūkyo lw'esyombūlī.

Yoane 6:35

Yesu mwabūga nabo ati, Ingye indi bundu bw'engebe. Oyukasa kwīngye siendīsyakwa nzala na kera, n'oyūkanyīkīrīraya siendīsyakwa nyota na kera.

Yoane 11:25

Yesu mwamubwira ati, Ingye indi erīlūbūka, n'engebe. Oyūka-

nyīkīrīraya asyabyaho nomo angahola.

Yoane 13:13

Mukanyahula mo Mūkangīrīrya n'Omukama, mūkabūga ndeke, kusangwa īngye ko nyine nyitya.

Yoane 8:58

Yesu mwabwirabo ati, Kwene-ne, kwenene ngababwira nyiti, Abrahamū ate abutwa, **INYINE.**

Yoane 8:23

Kandi abya akabwirabo ati, Inywe muli b'eyīkwa, īngye indi w'endata; īnywe muli b'ekihugo kino, īngye sindi w'ekihugo kino.

Matayo 20:34

...Neryo Yesu mwakwirabo būlige, neryo mwatūla oko meso wabo; neryo-neryo mobabana erilangira, mobamukwama.

Lūka 5:4-6

Neryo Yesu abere abibuga erībūga, mwabwira Petero ati, Mu-ye ahali omutobero, mūtogeraye-ho ebīsohī byenyū, musohe. Neryo Sīmonī mwamūsūbīrya ati, Mukama, bukere tukayitsinga kutsibu, neryo sitwetabanakī! Nīkwa busana n'ekīnywa kyawe ngandītogerya mw'ebīsohī. Neryo babere babikola batya mobahamba amahere mangi n'ebīsohī mobyasonda erītwika.

Matayo 14:19-21

Nīkwa Yesu mwahamula esyondeko ati bīkale ahisi oko biti; neryo mwīmya amandu atanu ayo n'amahere abiri, mwalalami-ra elubula, mwaha ewasīngya uku Nyamuhanga. Neryo mwatsūtsa-nga amandu, mwahago abiga, n'abiga mobahago oko bandu ababya omo ndeko. Abosī mobalya, mobūgūta. Neryo mobasongya ebitahangukira ebyasaka, mobūsūlya ebitiri ikumī na bibiri. Neryo abalume abalyabyo babya nga elfu itanu (5000), abakalī n'abana bataganzīre kubo.

Yesu Kristo nĩ Mũhangĩkĩ n'Omukama

Abanya Roma 14:9

Kusangwa Kristo mwahola neryo mwaswabyaho, atoke eribya Mukama w'abaholire n'abaliho.

Abaebrania 1:2

Nĩkwa omo biro ebĩ by'enyũma-nyũma abĩrĩbũga netu busana n'omugulu wuwe. Nĩkwa Nyamuhanga mwahangika omo byala bya Mugala wuwe ekihugo n'ebyosĩ ebiri omo kyanya. Kandi Nyamuhanga abĩrĩhĩra Omugala wuwe eribya mwenye myatsi yosĩ.

Abanya Kolosaĩ 1:16

Kusangwa Nyamuhanga mwahangika ebindu byosĩ omo byala bya Kristo, ebiri omo lubula, n'e-

biri oko kihugo, ebindu ebikalolawako, n'ebindu ebitelolawako nomo byangabya mami, kutse abakama, kutse abatabalĩ, kutse ab'ehamũlĩ, Nyamuhanga mwahangika obuli kindu omo byala bya Kristo, na busana naye.

Yoane 1:3

Kandi busana naye emyatsi yosĩ moyahuluka eribyaho, isihali kindu ekyahangikawa ekyo atahangika.

Emĩbirĩ 2:36

Neryo abandu bosĩ ba Israeli baminye ndeke ngoko Nyamuhanga abiriyira Yesu oyo mwabamba oko musalaba, mo Mukama na Kristo.

Matayo 25:32

N'ebihanda byosī byasyahīnda-nībwa embere siwe; kandi asya-sololabo ng'omūlīsyā kw'akaso-lola esyombūlī oko byala biwe by'amali, n'esyombene-hene oko malembe.

Abanya Roma 14:10

Nīkwa nawe, busana nakī ukatswera mūlikyenyū kwehī? Kandi nawe busana nakī ukapona mūlikyenyū kwehī? Kusangwa itwe bosī twasyahangana embere w'ekītumbī ky'eritswera kya Nyamuhanga.

Abanya Roma 2:16

Engulu yowene eyo ngatulagana iti, ko kyasyabya kitya oko

kiro Nyamuhanga asyatswera, omwisi wa Kristo Yesu, emyatsi n'amalengekanīa w'abandu ebībī-samīre.

II Tīmoteo 4:1

Ngakuhana embere sya Nyamuhanga n'embere sya Yesu Kristo, oyo wasyatswera abandu bosī, abaliho, n'ababirihola. Kandi ngabahana busana n'erīhīka lya Kristo n'Obwami buwe.

Emībīrī 10:42

Neryo Yesu mwatuhana ati tūkangīrīraye Engulu Yowene oko bandu, n'eritulago kw'ali Oyo Nyamuhanga ahīra mo mūtswerī w'abaliho, n'omūtswerī w'abolīre.

8 Erilama liri uku Kristo musa

Emībīrī 4:12

Neryo erilama siriri omo gundi mundu, kusangwa Nyamuhanga syalitahula erindi rīna omo kihugo kyosī omo katīkatī k'abandu, eryangatūlamya.

Busane n'ekyo akatoka erīlamya lino n'ebiro byosī abakahika uku Nyamuhanga busana naye. Kandi akakota busana n'erisabirabo. — Abaebrania 7:25

Yoane 10:9

Ingwe indi lūkyo, omundu amingirira ūkw'ingwe asyalamībwa; kandi asyingira n'erihuluka, n'eribana eby'erirya.

Yesu mwamubwira ati, Ingwe indi nzira, ingwe indi mwatsi w'e-

kwenene, ingwe indi ngebe; sihali mundu ūkahika uku Tata ate kw'ingwe. — Yoane 14:6

Kikaleka inababwira nyiti, Mwasyahola omo bibi byenyū. Kusangwa mwamatendikīrīrya ko nyiri ye, mwasyahola omo bibi byenyū. — Yoane 8:24

Abaebrania 5:9

Kandi abere abiyirwa m'oyūhikene, mwabya nzūko y'erilama eya kera na kera busana n'abosī abakamwowa.

Abanya Roma 3:24

Nyamuhanga akatungananaya abandu omo lūsūnzo lw'olukogo luwe busana n'eritongolībwa, erikabanika busana na Kristo Yesu.

Lũka 19:10

Kusangwa Omugala w'Omundu mwasa erisonda-sonda n'erilamy ababya batere.

Abanya Korĩnto 1:30

Nikwa Nyamuhanga abĩrĩbatĩkanĩna na Kristo Yesu. Kandi Nyamuhanga abiriyira Kristo eribya munge wetu. Busana na Kristo tukatunganana embere sya Nyamuhanga, kandi busana na Kristo tukabya bana ba Nyamuhanga, n'eribya bwĩranda.

Eribĩsũlĩrwa 5:9

Nabo mobimba olwimbo luhya-luhya bati, Uwe utolere erihamba ekitabu n'erĩtwa ebĩbohĩ by-

akyo. Kusangwa wakerawa, kandi omo musasi wawe mowagula abandu busana na Nyamuhanga, omo buli kihanda, n'obuli mĩbũnge, n'obuli bandu, n'obuli kĩtũnga.

Tĩto 2:14

Kristo mwayiha busana netu erĩtũtungolya oko bibi byosĩ, n'erĩerya abandu busana naye ĩyowene-wene, abali n'omũhwa w'erikola emĩbĩrĩ yowene.

Abanya Kolosaĩ 1:12

Mutseme n'erihwa ewasĩngya uku Tata, oyo waleka imwatoka erisangira ebyo Nyamuhanga abirilaga abandu buwe omo bwami bw'ekyakakala.

Kusangwa twabirītongolibwa omo musasi wa Kristo, kandi abiritubuyira amalolo wetu. Kwene ne olukogo lwa Nyamuhanga ni lunene. — Abanya Efeso 1:7

I Yoane 1:7

Nikwa emibere yetu yamabya y'ekyakakala ngoko Kristo ali omo kyakakala, tukabya haguma omo buguma, n'omusasi wa Yesu Omugala wa Nyamuhanga akatweraya kw'ebibi byosi.

I Petero 1:18, 19

Kusangwa mūnasi momūtatongolibwa oko mitsye mitya-mitya n'emigendere y'abotata-kulu wenyū, omo bindu ebikahera, ng'e-bitsipa kutse esyamagetsi. Nikwa

mwatongolibwa omo musasi wa Kristo ow'obūgūli bunene, naye abya ng'ekyana ky'embūli ekite kw'ekitīngū kutse bulema.

Abaebrania 9:14

Kumbe kwilaba aho, omusasi wa Kristo akeraya. Kristo omo Mūlīmū w'erikota mwayiha uku Nyamuhanga ng'obuhere obute ko kītingū. Omusasi wuwe oyo akeraya obunyamutima bwetu oko mibiri eyīkatwīta, itwatoka erikolera Nyamuhanga oyuliho.

Neryo twamabya twabiriyirwa mo batunganene busana n'omusasi wuwe, neryo kwilaba aho, Kristo asyatūlamya okw'ihitana lya Nyamuhanga.-Abanya Roma 5:9

Simuleke omundu n'omuguma eribatebya omo binywa by'obusa. Kusangwa busana n'emyatsi eyi erihitana Iya Nyamuhanga Iya-syahika oko bandu abakayisambula. — Abanya Galatia 5:6

Neryo kusangwa twabiriyirwa mo batunganene busana n'erikirirya, tunawite obuholo uku Nyamuhanga, n'obuholo obo mobwahika busana n'Omukama wetu Yesu Kristo. - Abanya Roma 5:1

Yoane 20:31

Nikwa ebī bisakire imwatoka erikirirya Yesu kw'ali Kristo, Omugala wa Nyamuhanga, neryo omw'ikirirya eri imwabana engebe omo lina liwe.

Abanya Efeso 2:8, 9

Kusanga mwabirilamibwa omo lukogo Iwa Nyamuhanga omo nzira y'erikirirya; n'erilama eryo si 'kola Iyenyū, nī lūsūnzo Iwa Nyamuhanga. Omundu syayipipe, kusangwa si mubiri w'omundu.

Kusangwa oyubutirwe na Nyamuhanga akakinda ekihugo. Neryo erikirirya lyetu Iyo lyabirikinda ekihugo. — I Yoane 5:4

Yoane 6:28, 29

Neryo mobabulya Yesu bati, Tuyire tuti tutoke erikola emibiri ya Nyamuhanga kwehi? Yesu mwasubiryabo ati, Omubiri wa Nyamuhanga goyū: mwikiriraye oyo Nyamuhanga atuma.

Esyonyimbo 108:4

Olwanzo lwawe olutyusa lūkahika elubula, eritendalegula Iyawe likahika omo kyanya.

Esyonyimbo 103:17

Nikwa olwanzo lw'Omwami Mukulu busana n'abandu abakamūsikaya, lukabyaho biro byosī, n'obubuya buwe bukabyaho busana n'esyondengo syosī.

Ngoko ekyanya kiri endata oko kihugo, litya olwanzo luwe ni lunene busana n'abandu abakamubaha. — **Esyonyimbo 103:11**

Nyamuhanga mwatūlamya. Si busana n'emibiri itunganene twakola, nikwa busana n'eriganyira

liwe, Omūlimū Abūyirire inīakatweraya, kandi akatubuta buhyabuhya, n'erituha engebe nyihyanihya. — **Tito 3:5**

Ebibuya by'Omwami Mukulu byalekire itutaheribwa, kusangwa eriganyira liwe siriyumbaya. Ni rihya-lihya obuli ngyakya-ngyakya. Obutalegula bwawe ni bunene. — **Ekiriro 3:22, 23**

Nindi yo Nyamuhanga nga we, oyukabuyira ebibi, n'erikiruka okw'ihona ly'amasigalira w'abandu buwe kwehi? Syalibika erihitana liwe kera na kera, kusangwa akatsemera obubuya b'olwanzo. — **Mika 7:18**

Erībīsūlīrwa 22:17

Omūlīmū n'omūherūkī, baka-būga bati, Mwase! N'oyūkowa akabūga ati, Mwase! N'oyūkwīre enyota ase, n'oyo wanzire īmaye amagetsi w'engebe butsira erigula.

Yoane 7:37

Neryo oko kiro ky'enyūmanyūma ky'ebiro bikulu ebyo, ekiro kinene ky'eryusa, Yesu mwahangana mwabūga n'omulenge munene ati, Omundu amakwa enyota, ase kwīngye apūlaye.

Īsaya 55:1

Ego! Obuli mundu oyūkwīre enyota, mwase oko magetsi; n'īn-

ywe mutawite esyofranka mwase, mugule, mulye; ega, mwase, mugule ebīnyū n'amasabū butsira franka kandi butsire būgūlī.

Matayo 11:28

Mwase ūkw'īngye, īnywe bosī ko mukanuba n'eriheka ebīrītohīre, ngandībalūhūkyā.

Īsaya 1:18

Omwami Mukulu ati, Mwase lino, tūkanaye haguma. Nomo ebibi byenyū byangabya ng'engula, byasyabya byeru ng'enzururu. Nomo byangabya ng'omunyama, byasyabya ng'obweya bw'esyombūlī.

14 Abandu bosī si bana ba Nyamuhanga

Yoane 1:12

Nikwa abosī abamūkokaya, n'erīmwikīrīrya, mwahabo ehamūlī eribya bana ba Nyamuhanga.

Abanya Fīlīpī 2:15

Imwatoka eribya abakūmayīre, n'eribya bandu babuya, abana ba Nyamuhanga abate ko mwatsi, abikere omo katikatī k'ekihugo kihengemire, n'eky'omwaga. Nenyū mukaminyikala ng'esyotala omo kihugo.

Abanya Roma 8:14, 15

Kusangwa abosī abakasondo-lawa n'Omūlimū wa Nyamuhanga

nga bo bagala ba Nyamuhanga. Kusangwa Omūlimū oyo Nyamuhanga abaha, syalibayira mo bakobe, syalireka mukubaha. Nikwa Omūlimū akabayira mo bagala ba Nyamuhanga; kandi omo būtokī bw'Omūlimū tukabirikira tuti, Tata! Tata!

II Abanya Korīnto 6:17, 18

Kusangwa Omukama akabūga ati, Mūlūe omo katikatī kabo, muyisolole. Kandi simūtūle oko kindu ekītīsīrīre. Nage nasyabakokya, nasyabya Tata wenyu, nenyū mwasyabya bagala bage n'abali bage, Omukama w'Obūtokī bosī akabūga atya.

Ekyo Nyamuhanga akabūga busana n'obwabū 15

Emisyo 23:31, 32

Susamalire obwabū omugulu būgatsūkire, omugulu bukabimba omo lūtehī, omugulu bukandagala bukamereka. Oko ndūlī bukalumama ng'enzoka, n'eribanda ng'enzwira.

Abanya Galatia 5:19-21

Neryo erikola ly'omūbīrī liminyikere ndeke, Iyerī: erīsīngīra, obūkīne, amaragane, erisaba esyosanamu, erilagula, obūyīgū, erilwa, obūha, erihitana, erinegena, erīkangīrīrya amabehī, eritura, erīkūnda, eritamira n'em-yatsi yosī eyiri ng'eyī. Ngababwira ndeke kandī nyiti, abakakola ebīrī ng'ebī sibendisyabana om-

wanya omo Bwami bwa Nyamuhanga.

Isaya 5:11

Obūlige ukw'abo abakatsinduka omo ngyakya-nyakya bati bakwame obūhīre kutsibu, abakasi-ba omo kiro erīhīka aho bīnyū bikatamīrīrayabo.

Abanya Roma 13:13, 14

Tulendere ngoko litolere omugulu bukere, situtamire n'erīkūnda, situbye n'oburagane n'esyongumbu nyibi, situlwe, situbye n'obūha. Nīkwa muleke Yesu Kristo abye oyukabalwira n'ebindu biwe by'amalwa, simubye n'obūlengekanīa bw'omubiri erikwama esyongumbu syago.

Matayo 22:37, 38

Neryo mwamubwira ati, Wanzze Omukama Nyamuhanga wawe n'omutima wawe gosi, n'ekirimu kyawe kyosi, n'obulengekaniya bwawe boshi. Ekihana kikulu ky'erimbere kyekyo.

Mariko 10:17-22

Neryo omugulu Yesu atsuka olugendo luwe, omundu mwatibita aho ali, mwakukama embere siwe, mwamubulya ati, Mukangirya mubuya, nyikoleki eribana engebe y'erikota kwehi? Yesu mwamubulya ati, Busana naki ukanyahula mo mubuya kwehi? Sihali mubuya nina Nyamuhanga

iyowene. Unashi ebihano: biti, ishiwita; ishiwasingira; ishiwiba; isiwabihira bandi; isiwateba; ushikaye tata wawe na koyo wawe. Neryo omundu oyo mwabuga ati, Mukangirya, ebyoshi ebyo nabirikolabyo eritsuka omo bwana bwage. Yesu mwamusamalira n'erimwanza, mwamubwira ati, Ushisiya mwatsi muguma. Ugende, ugulaye ebyoshi ebyo uwite, uhe by'oko bera, nawe wasyabya n'ebindu elubula; neryo wase, unyikwame. Omundu oyo abere abyowa ebinywa ebyo, obusu buwe mobwasunza, mwaluaho n'obulige, kusangwa abya awite bindu bingi kutsibu.

Abanya Galatīa 6:3

Omundu amayitendera ng'omundu, kwesī si mundu, iniakayītebaya.

I Yoane 3:7, 8

Bana bage balere, simuleke omundu akabateba. Omundu oyukakola ebitunganene, atunganene ngoko Kristo naye atunganene. Nikwa oyukakola ebibi nī wa Setanī, kusangwa Setanī atula akakola ebibi erītsūka erīmbere.

I Abanya Korīnto 6:9, 10

Kandi sīmwasi abatatanganene ko batendisyasangira oko bwami bwa Nyamuhanga kwehī? Simutebībawe; ab'amaragane, kutse abakasaba esyosanamu, kutse

abatetī, kutse abalume abakate-tana, kutse abībī, kutse abatsūrī, kutse abanyeyī, kutse abakūndīrya, kutse abakatsuma, aba sibe-ndisyasangira oko bwami bwa Nyamuhanga.

Yakobo 1:22

Mubyē bandu abakakola n'er-yowa ebīnywa bya Nyamuhanga, butsira abakahulikirira lisa n'eriyiteba.

Abanya Efeso 5:6

Simuleke omundu n'omuguma erībatebya omo bīnywa by'obusa. Kusangwa busana n'emyatsi eyī erihitana lya Nyamuhanga lyasyahika oko bandu abakayisamambula.

Neryo esyongumbu siwe nyibi syabiheka obukule sikabuta ebibi, n'ebibi byabikula bikaleta oluholo. — Yakobo 1:15

Ezekieli 18:20

Omundu oyukakola ebibi asyahaha. Omugala syendisyaheka erisuyira ly'ebibi by'ise, kutse ise syendisyaheka erisuyira ly'ebibi by'omugala. Ebitunganene by'oyutunganene byasyamubyako, n'ebibi by'omubi byasyamubyako.

Abanya Roma 8:6, 7

Kusangwa obūlengekanā obukakwama omubiri bukaleta oluholo; nīkwa obūlengekanā obukakwama Omūlīmū bukalete en-

gebe n'obuholo. Kusangwa omundu oyukakwama obūlengekanā bw'omubiri nī nzīgū uku Nyamuhanga. Syalyowa Emigambo ya Nyamuhanga, kandi syalitoka eryowayo.

Abanya Roma 5:12

Neryo ebibi mobyahika munakihugo busana n'omundu muguma, n'oluholo molwingira busana n'ekibi kiwe, neryo litya oluholo molwahika oko bandu bosī, kusangwa abosī mobakola ebibi.

Nīkwa līlwe litolere itwalya n'eritsema, kusangwa mugala wenyū oyū abya aholire, na lino aneho, kandi abya aherire, neryo lino abiribanika. — Lūka 15:32

Yoane 10:17, 18

Busana n'omwatsi oyū, Tata wage anyanzire kusangwa ngasiga engebe yage inatoka eriswimyayo. Sihali mundu oyukanyisagulayo, nikwa ngasigayo omo hamuli yage. Nyiwite ehamuli y'erisigayo, kandi ngwite y'eriswimyayo. Tata wage abirinyihana ati nyikole nyitya.

I Abanya Korinto 15:3, 4

Kusangwa natsuka eribaha erimbere omwatsi munene ogo nangingirira nibya, nyiti Kristo mwahola busana n'ebibi byetu ngoko kisakire omo Masako, kandi Yesu mwatabwa, neryo mwalubū-

kībwa enyūma w'ebiro bisatu ngoko kisakire omo Masako.

Erībīsūlirwa 1:18

Kandi ingye indi oyuliho! Nabya nyiholire, neryo lebaya nyirihokera na kera. Kandi nyiwite ebiboholi by'elubula n'eby'ekulimū.

Yoane 11:43, 44

Neryo abere abibuga emyatsi eyi, mwabirikira n'omulenge munene ati, Lazaro, huluka! Neryo oyo wabya aholire mwahuluka inianasenga-sengire omo ngimba oko byala n'oko bisando, n'obusu buwe ibunasengire omo lukimba.

Eriibuka Ebihano 5:7-21

Simusyebya n'esindi Nyamuhanga ate ngye. Simusyeyiyirira esyosanamu esibatsire, kutse ekiso-ekanio kyahi ky'ekinduki ekiri omo kyanya mw'endata, kutse ekiri ahisi oko kitaka, kutse omo magetsi eyikwa muna-kihugo. Simusyeramayabyo, kutse erikolerabyo; kusangwa ingye, Mwami Mukulu, Nyamuhanga wenyu, ingye Nyamuhanga w'obuha, erisuyira ebibi by'abotata oko bana, n'oko bitsikulu oko lulengo lw'akasatu n'oko lw'akani oko bakanyikwa obusu; n'erikanyia obubuya bw'olwanzo oko maelfu abakanyanza n'eriteya ebihano

byage. Simusyehula erina ly'Omwami Mukulu Nyamuhanga wenyu lyo busa; kusangwa Omwami Mukulu syendisyamuleka oyukahula erina liwe lyo busa. Mutegaye ekiro ky'eSabato, eriteyakyo mo kibuyire, ngoko Mwami Mukulu abahana. Ebiro ndatu mwasyahinga, n'erikola omubiri wenyu gosi; nikwa ekiro ky'ebirinda ni Sabato oko Mwami Mukulu Nyamuhanga wenyu; simusyekola mukyo mo mubiri wahi, uwe, kutse mugala wawe, kutse mwali wawe, kutse omugombe wawe w'obulume, kutse omugombe wawe w'obukali, kutse ende yawe, kutse epunda ya-

we, kutse oko bihangulo byawe, kutse ow'ehandi oyuli omo butala bwawe; omugombe wawe w'obulume n'og'obūkālī babane eriluhuka nga we. Kandi wasyibuka ko wabya mugombe omo kihugo ky'eMīsīrī, kandi Omwami Mukulu mwabalūsyayo omo byala biwe by'amaka n'omo kuboko kūyīsūmbīre; busana n'ekyo, Omwami Mukulu Nyamuhanga wenyū mwabahana eriteya ekiro ky'e-Sabato. Ūsīkaye Tata wawe na koyo wawe, ngoko Mwami Mukulu Nyamuhanga wawe abahana, ebiro byawe bibane erikanya, emyatsi yawe itoke eryowana

omo kihugo ekyo Nyamuhanga akabaha.

Īsīwīta.

Īsīwasīngīra.

Īsīwība.

Īsīwabehekereraya mūlīkyenyū y'amabehī.

Īsiwarumawa oko mūkalī wa mūlīkyenyū; kutse isiwayītsūtsa enyūmba ya mūlīkyenyū, kutse eririma liwe, kutse omugombe wuwe w'obulume, kutse omugombe wuwe w'obūkālī, ende yiwe, kutse epunda yiwe, kutse ekīndūkī mūlīkyenyū awite.

22 Erisuyira Iya kera na kera oko batikiriye

II Petero 3:7

Nikwa olubula Iwa sesene n'ekihugo kya sesene, omo kinywa kya Nyamuhanga, bibikire busana n'erihisibwa omo muliro. Bibikire busana n'ekiro ekyo abandu abatekenga Nyamuhanga basyatwerwa n'erisheribwa.

Esyonyimbo 9:17

Ababi basyasuba omo kulimu, n'ebihanda byosi ebikibirirawa Nyamuhanga.

Matayo 18:8

Ebyala byawe kutse ekisando kyawe byamaleka iwatswa, utwebyo, ugusebyo. Lyowene ndeke busana nawe eriingira omo bwami bwa Nyamuhanga iwabirire-

hema kutse iwabirisindogera kwilaba eribya n'ebyalala bibiri kutse ebisando bibiri n'eriguswa omo muliro wa kera na kera.

Matayo 13:41, 42

Omugala w'Omundu asyatuma abamalaika buwe, basyakumakuma erilusya ebyosi ebikaleka abandu ibakola ebibi, n'abakolana-nabi bosi b'omo Bwami buwe, asyagusabyo omo seke-seke y'omuliro, eyo abandu basyalira n'erikeregeta ameno wabo.

Matayo 25:46

Neryo aba basyagenda omw'isuyira ly'erikota, nikwa abatunganene basyaya omo ngebe y'erikota.

II Petero 2:9

Neryo Omukama anasi erilamy abakamukenga okw'ilengwako. Nīkwa akabika ababi erisuyirabo erihika oko kiro ky'eritswera.

Abaebrania 9:27

Kandi kyahirawa busana n'abandu bosī bahole ngendo nguma, n'enyūma w'aho Nyamuhanga atswerebo.

Emibiri 17:31

Kusangwa Nyamuhanga abirihira ekiro asyatswera ekihugo omo litunganene omo mundu oyo abiriyisoga, iniakaminyisayakyo oko bandu bosī, inīakalūbūkaya Omundu oyo y'oko baholī.

Abanya Roma 14:12

Neryo obuli mundu asyakangania Nyamuhanga y'ebyo akola.

I Yoane 4:17

Neryo olwanzo lūkahikana omwisi syetu, itwatoka erisika oko Kiro ky'eritswerwa. Kusangwa ngoko Kristo ali, netu ko tuli tutya omo kihugo kino.

II Abanya Korinto 5:10

Kusangwa litolere itwe bosī itwahuluka embere sya Kristo n'eritswerwa naye, neryo obuli mundu inialihwa busana n'emikolere eyo akola omo mubiri wuwe, yamabya iyowene kutse ini mibi.

I Petero 5:5b

Mwabirinenehya emitima yen-yū busana n'ekiro ky'erikerwa.

II Abana Korinto 8:9

Kusangwa munasi olukogo lw'Omukama wetu Yesu Kristo. Nomo anabya muteke, mwayiyira mo mwera busana nenyū, neryo imwatoka eribya bateke busana n'obwera buwe.

Abanya Roma 5:15

Adamu ali n'ekisosekanio ky'oyukandisyasa. Nikwa olūsūnzo Iwa Nyamuhanga silulingene n'erihalya Iya Adamu. Kusangwa erihalya ly'omundu muguma molyaleta oluholo l'oko bandu bangi. Nikwa olukogo Iwa Nyamuhanga

ni lunene kw'aho, n'olūsūnzo busana n'olukogo lw'omundu muguma, ye Yesu Kristo Iwasyakanyirira oko bandu bangi.

Emibiri 4:33

Kandi abakwenda mobatūla omwatsi w'erilūbūka ly'Omukama Yesu omo bŭtoki bunene, n'olukogo lunene lwabya kubo abosi.

Abanya Roma 9:16

Neryo si busana n'erisonda ly'omundu kutse erikola liwe, ni-kwa busana n'eriganyira Iya Nyamuhanga.

II Abanya Korinto 9:15

Tuhe Nyamuhanga y'ewasingya busana n'olūsūnzo luwe olute Iwangatoka erikanibwa.

Neryo ñnywe mubindule emitima yenyũ mulolaye eyiri Nyamuhanga, ebibi byenyũ bisangu-lawe. — Emĩbirĩ 3:19

Emĩbirĩ 17:30

Nyamuhanga abĩrĩkĩrũkya ameso oko migulu eyo abandu bataminyā, nĩkwa lino akahana abandu bosĩ, ehosĩ bangabindula emitima yabo n'erireka ebibi.

Matayo 3:2

Mubindule emitima yenyũ erireka ebibi, kusangwa obwami bw'elubula buli hakũhĩ!

Ngababwira nyiti, Iyihĩ! Nĩkwa nenyũ, mwamatendibindula emitima yenyũ erireka ebibi, ñnywe

bosĩ mwasyahera ngoko banahera batya. — Lũka 13:3

Petero mwabwirabo ati, Mubindule emitima yenyu, muleke ebibi, kandi obuli mundu abatĩsĩbawe omo lĩna lya Yesu Kristo busana n'eribuyirwa ly'ebibi byenyũ, neryo mwasyabana olũsũnzo lwa Nyamuhanga, Omũlimũ Abũyĩrĩre. — Emĩbirĩ 2:38

II Abanya Korĩnto 7:10

Kusangwa obũlĩge obo Nyamuhanga akalĩga busana netu bukaleta eribindula omutima, n'eribana erilama eritawite eriswatsomana. Nĩkwa obulĩge bw'ekihugo bukaleta oluholo.

Erībīsūlīrwa 3:20

Lebaya nyinimene oko lūyī n'erikongota; omundu amowa omulenge wage, akakingula olūyī, nasyingira omo nyūmba yiwe, nasyalya haguma naye, naye asyalya haguma nage.

Matayo 6:14

Kusangwa mwamabuyira abandu kw'amalolo ago babiribakola, Tata wenyū w'elubula asyababuyira nibya.

Nikwa omubi amabinduka n'erireka ebibi biwe byosī ebyo abirikola, iniakakwama ebihano byage byosī, n'erikola erībanza n'ebitunganene, kwenene asyabyaho, isyendisayahola. — Ezekielī 18:21

Neryo Yesu, omugulu alangira erikīrīrya lyabo, mwabwira omundu oyūbasīre ati, Mwana wage, ebibi byawe byamabibuyirwa. — Mariko 2:5

Omubi aleke enzira yiwe, n'omundu utatunganene aleke amalengekanīa wuwe. Asube oko Mwami Mukulu, naye asyamuganyira; asube ahali Nyamuhanga wetu, kusangwa asyamubuyira ndeke. — Isaya 55:7

Emībīrī 5:31

Nikwa Nyamuhanga mwamūhamya oko byala biwe by'amaling'Omukulu n'Omulamya, ahe Israhelī eribindula emitima yabo n'eribuyirwa ly'ebibi.

Isaya 1:16

Mūyeraye, muyikose. Mūlūsaye obubi bw'erikola lyenyū embere sy'ameso wage. Mumbaye okw'ikola ebibi.

Abanya Efeso 5:11

Simusangane omo mībīrī y'omwīrīmya eyite n'endūndī, nīkwa mūhūlūkayeyo oko kyakakala.

Abanya Kolosaĩ 3:2

Mūhīre obūlengekanīa bwenyū oko myatsi y'endata, butsira oko myatsi ya muna-kihugo.

Tīto 2:11, 12

Kusangwa Nyamuhanga abīrīmīnyīkalya olukogo luwe, olu-

kaleta erilama, busana n'abandu bosī. Olukogo olo lukatutegeka luti tugane emikolere eyitekenga Nyamuhanga, n'esyongumbu sy'ekihugo, luti, tūyītegaye, n'erikwama ekitunganene, n'erikenga Nyamuhanga omo mikolere yetu oko mugulu ono.

I Yoane 2:15, 16

Simwanze ekihugo. kutse emyatsi y'ekihugo. Omundu amanza ekihugo syawite olwanzo Iwa Tata. Kusangwa ebyosī bya muna-kihugo, esyongumbu sy'omubiri, esyongumbu sy'ameso, emiyiheko y'abandu, ebyosī ebī ni by'ekihugo, sibyelūa uku Tata.

I Yoane 2:29

Mwamabya munasi Kristo kw'atunganene, muminye kw'abosi abakakola ebitunganene babirihya bana ba Nyamuhanga.

Ezekieli 36:26

Kandi nasyabaha omutima muhya-muhya nibya, kandi nasyahira ekirimu kihya-kihya omwisi wenyu. Nasyalusya omutima w'eribwe owali omo mubiri wenyu. Nasyabaha omutima w'omubiri.

II Abanya Korinto 5:17

Kusangwa omundu amabya amatikene na Kristo, ni mundu muhya-muhya; emyatsi ya kera yabirirenga, neryo emyatsi mihya-mihya yabirihika.

Yoane 3:3

Yesu mwamusubirya ati, Kwenene, kwenene, ngabuga nawe nyiti, omundu amatendibutwa kandi syangatoka erilola oko bwami bwa Nyamuhanga.

Kusangwa mwabiributwa buhya-buhya, butsira omo mbuto eyikahonda, nikwa omo mbuto eyitehonda, kye kinywa kya Nyamuhanga, ekiri mw'engebe, kandi ekikakota. — I Petero 1:23

I Yoane 5:18

Tunasibomundu oyo Nyamuhanga akabuta, syalikhwamirira ebibi. Kusangwa Omugala wa Nyamuhanga akamutegaya ndeke, n'omubi oyubomutulako.

Erihola oko bibi n'eribyaho omwisi wa Kristo 29

Abanya Galatīa 5:24

Neryo abali uku Kristo Yesu babiribamba oko musalaba emyatsi yosī y'omūbīrī, haguma n'esyongumbu n'erisonda lyago.

Abanya Kolosaĩ 3:1

Neryo kusangwa mwabīrīlūbū-kībwa haguma na Kristo, mūhīre emitima yenyū oko myatsi aho Kristo ikere oko luhande lw'ama-li lwa Nyamuhanga.

Abanya Roma 6:2, 11

Iyihi n'ahake. Itwe twamahola oko bibi, twanganatoka eriswabya omo bibi kwehi? ... Nenyū nibya muyiganze ng'abaholī oko bibi, nikwa ng'abaliho uku Nya-

muhanga busana n'erimatikana na Kristo Yesu.

I Petero 2:24

Kristo iyowene-wene mwaheka ebibi byetu omo mubiri oko musalaba, itwatoka erihola oko bibi n'eribyaho busana n'ekitunganene, kusangwa mwalamībawa omo mībībū yiwe.

Abanya Efeso 2:1, 6

Erīmbere inywe mwabya baholī omo bīrīmū byenyū busana n'amalolo n'ebibi byenyū ... Kandi, itumatikene na Kristo Yesu, abiritusumba n'eritwīkalya haguma na Kristo Yesu omo myanya y'elubula.

Yoane 3:36

Oyūkikiriraya Omugala awite engebe y'erikota; nikwa oyuteke-nga Omugala siendisyalola oko ngebe, nikwa erihitana Iya Nyamuhanga limwikereko kera na kera.

Abanya Roma 6:23

Kusangwa obuhingi bw'erikola ebibi ni luholo, nikwa olūsūnzo olūkalūa uku Nyamuhanga ni ngebe y'erikota busana n'erimatikana na Kristo Yesu Omukama wetu.

Yoane 3:14, 15

Ngoko Musa asumbira enzoka y'endata omo mbwarara, litya Omugala w'Omundu atolere

erisumbirwa endata. Neryo omundundi oyukamwikiriraya abane engebe y'erikota.

Yoane 5:24

Kwenene, kwenene ngababwira, oyūkowa ebinywa byage, n'erikirirya oyo wanyituma awite engebe y'erikota. Kandi siendisya-tswerwa. Nikwa abirilua omo luholo, abiriingira omo ngebe.

Abanya Galatia 6:8

Kusangwa oyukabiba oko syongumbu siwe sy'omubiri wuwe asyahulula erihonda, nikwa omundu oyukabiba omw'isonda ly'Omūlimū, Omūlimū asyamuha erihulula engebe y'erikota.

Abanya Galatīa 4:6

Kandi kusangwa muli bagala, Nyamuhanga abirituma Omūlimū w'Omugala wuwe omwisi w'emitima yetu, owakabirikira ati, Tata, Tata!

Yoane 14:21

Oyuwite ebihano byage n'erikengabyo, yo yukanyanza; kandi Tata wage asyanza oyukanyanza; nage nasyamwanza, nasyayikanyya ukw'iyeye.

I Yoane 4:13

Nyamuhanga abirituha Omūlimū wuwe, kikaleka itwaminyanya ko tumatikene na Nyamuhanga, kandi ko Nyamuhanga amatikene netu.

I Yoane 3:18, 19

Bana bage, simwanze omo binywa kutse omo lulimi lusa, ninkwa twanze omo mibiri n'ekwenene. Busana n'eki, twasyaminyanya ko tuli b'omwatsi w'ekwenene, n'emitima yetu yasyasika embere sya Nyamuhanga.

Isaya 32:17

Omubiri w'eritunganene asyabya buholo, n'omubiri w'eritunganene asyabya eriyibombeka n'eriyiketera ebiro byosi.

Abanya Roma 8:16

Omūlimū oyū wa Nyamuhanga akatūlago haguma n'ekirimū kyetu ko tuli bana ba Nyamuhanga.

Yoane 17:13

Neryo ngasa uk'uwe, n'emyatsi eyi ngabūgayo omo kihugo, ibatoka eribya n'obutseme bwage obūhikene omo mitima yabo.

Yoane 15:11

Nabiribabwira emyatsi eyi, obutseme bwage bubyeye omo mitima yenyū, kandi obutseme bwenyū būhikane.

Abanya Galatīa 2:20

Nabiribambwa oko musalaba haguma na Kristo, Nikwa lino nyineho; nikwa butsira ngye, Kristo aneho omwisi wage. N'engebe eyo nyiri nayo lino omo mubiri, nyiri nayo busana n'erī-

kīrīrya Omugala wa Nyamuhanaga; oyo wanyanza, n'eriyiha busana nage.

Esyonyimbo 16:11

Wasyanyikangya enzira y'engebe, Embere sy'obūsū bwawe hali obutseme oboswīre, Kandi hakūhī nawe hali ebitsange bya kera na kera.

Abanya Roma 14:17

Kusangwa obwami bwa Nyamuhanga si mwatsi w'eriryā kutse w'eripūlya, nīkwa ni butungane, n'obuholo, n'obutseme obo Mūlīmū Abūyīrīre akaha.

Busana n'obutseme wasyateha amagetsi omo ngūnūnūko y'omulamo. — Īsaya 12:3

Abanya Roma 2:13

Kusangwa Nyamuhanga sialitūngananaya abakowa Emigamba omo matwī masa. Nīkwa abakakola ebyo Migambo ikahana, bo basyatūngananibwa.

Abanya Roma 6:16

Simwasī ngoko mugulu mukayiha oko mundu erīmowa ng'omukobe, kwenene muli abakobe b'oyo mūkowa, amabya w'ebibi, akaleta oluholo, amabya w'erīowa, akabayira mo batunganene.

II Abanya Tesalonika 1:7-9

N'inywe mukagalawa asyabaha eriluhuka, haguma netu, omugulu omukama Yesu asyabutuka

omo muliro owakaka erilūa elubula haguma n'abamalaika buwe b'amaka. Kandi asyasuyira abatasī Nyamuhanga, n'abatekenga Engulu Yowene y'Omukama wetu Yesu. Basyasuyirwa omw'ihera lya kera na kera, n'erisololwa embere sy'Omwami Mukulu, n'oko lukengerwa lw'obūtoki buwe.

Eriibuka Ebihano 11:26-28a

Mūlebaye, ngahira embere syenyū mūnabwire omūyisa n'obutakire; omūyisa mwamahulikirira oko bihano by'Omwami Mukulu Nyamuhanga wenyū, ebyo ngabahana mūnabwire; n'obutakire mwamatindahulikirira ebihano by'omwami Mukulu...

34 Litolere erikangya ko wabiriminya Kristo

Matayo 10:32, 33

Obuli mundo oyūkanyikanganya embere sy'abandu, nage nasyamūkanganya embere sya Tata wage oyuli elubula. Nikwa oyukanyigana embere sy'abandu, neryo nage nibya nasyamugana embere sya Tata wage oyuli elubula.

I Yoane 2:23

Kusangwa oyukagana Omugala siawite Tata nibya, n'oyūkaliga Omugala awite Tata nibya.

Lūka 9:26

Nikwa omundu amanyikwa esisoni, n'eripona ebinywa byage, Omugala w'Omundu asyamūkwa esisoni omugulu asyasa omo lu-

kengerwa luwe, n'olwa Tata wuwe, n'olw'abamalaika babūyirire.

Abanya Fīlipī 2:11

Obuli mundu asyatūlagania ko Yesu Kristo ni Mukama, busana n'erihā olukengerwa uku Nyamuhanga Tata.

Abanya Roma 10:9, 10

Kusangwa wamakangya omo buno ko Yesu ni Mukama, kandi wamikirirya omo mutima wawe ko Nyamuhanga amulubukaya oko baholi, iwalamibwa. Kusangwa omundu amikirirya omo mutima wuwe busana n'eritunganibwa na Nyamuhanga, kandi akatulago omo buno buwe, inialamibwa.

II Abanya Korĩnto 2:11

Neryo Setanĩ siyĩtũsinge omo mwatsi, kusangwa tũnasĩ esyombĩta syayo.

I Petero 5:8

Mũlebaye, mũyĩtegaye! Kusangwa enzigũ yenyũ Setanĩ ikagenda-genda ng'endale, eyikaruruma n'erisonda-sonda oyo yangalya.

Abanya Efeso 6:11

Mwambale ebindu byosĩ by'amalwa bya Nyamuhanga, imwataka erihangana n'erilwa n'ame nge w'eSetanĩ.

Matayo 4:1, 10, 11

Neryo Omũlĩmũ mwasondola Yesu omo mbwarara, eSetanĩ imulengeko... Yesu mwabwira-

yo ati, Lũaho, uwe Setanĩ! Kusangwa Amasako ati, Wasyaromya Omukama Nyamuhanga wawe, kandi wasyamukolera iyowene. Neryo Setanĩ mwamũsĩgania; nĩkwa abamalaĩka mobasa n'erikolera Yesu.

Ukandisyalĩbũla ameso wabo, ibatoka eribinduka erilũa omo mwĩrĩmya n'eribindikira ekyakakala, n'eribinduka erilũa obo butabale bw'eSetanĩ, n'eribindikira Nyamuhanga. Neryo busana n'erĩnyĩkĩrĩrya babane eribuyirwa ly'ebibi, kandi babane omwanya omo katĩkatĩ k'abandu abo Nyamuhanga abiriyisoga, n'abo abirihigula. — Emĩbirĩ 26:18

I Yoane 3:8

Nikwa oyukakola ebibi ni w'e-Setani, kusangwa Setani atula akakola ebibi eritsuka erimbere. Omugala wa Nyamuhanga mwaminyikala busana n'omwatsi oyū, w'eriherya emibiri y'eSetani.

Yakobo 4:7, 8a

Neryo mwolobe embere sya Nyamuhanga. Mulwe n'eSetani, nayo ikandisyabasaga. Muyitunde hakubi na Nyamuhanga, naye akandiitunda hakubi nenyū.

Abaebrania 2:14

Neryo kusangwa abana ni bandu b'omubiri n'omusasi, Yesu iyowene mwimya omubiri n'omusasi ng'abo. Mwakola atya inia-

toka omo luholo luwe eriherya Setani, oyo wabya n'obutoki bw'oluholo.

II Abanya Tesalonika 2:8

Neryo Omundu Mubi oyo asyabisulirwa, n'Omukama Yesu asyamwita omo muka w'obuno buwe, n'erimutogoty omo lukengerwa lw'erihuluka liwe.

Abanya Roma 8:35, 37

Nindi wasyatugabula oko lwanzo lwa Kristo kwehi? Ni bulige, kutse amagali, kutse erindererya, kutse enzala, kutse eribula eky'erimbala, kutse obwiko, kutse omuyali kwehi? ... Nikwa omo myatsi yosi eyi tukakinda ndeke busana n'oyo watwanza.

Omundu amabūga ati, Nyanzire Nyamuhanga, inīakakwa mūlikyabo y'obusu; inī mūbehī: Kusangwa oyūtanzire mūlikyabo oyo abirilolako, siangatoka erianza Nyamuhanga oyo ate atalolako

— I Yoane 4:20

Wagalatīa 5:22, 23

Nikwa emikolere eyīkalūa oko Mūlīmu yeyī: olwanzo, obutseme, obuholo, eriyibombeka, obwenge, obubuya, eritendiregula.

Yoane 21:16

Neryo Yesu mwamūbūlya engendo y'akabiri ati, Sīmonī, mugala wa Yoane, ūnanyanzire kwehī? Naye mwamūsūbīrya ati, Ega, Mukama, ūnasī ko nyīkwanzire.

Yesu mwamubwira ati, Ūtegaye esyombūlī syage.

Yoane 13:35

Neryo mwabya n'olwanzo, omuguma busana n'ogundi, abandu bosī basyaminya ko muli biga bage.

I Abanya Korinto 13:1

Namabūga omo mībūge y'abandu n'ey'abamalaika, nikwa isingwite lwanzo, nabiribya ng'omukenge owakalahira kutse ng'ekengele eyīkabūgīrana.

I Yoane 3:14

Itwe tūnasī ko twabīrīlūa oko luholo, n'eribana engebe, twasī tutya kusangwa tukanza abalīkyetu. Oyutianza ikere omo luholo.

Abanya Roma 4:25

Yesu mwatwalwa oko luholo busana n'amalolo wetu, neryo mwalübūkībwa erituyira mo baltunganene.

Yoane 20:26-28

Neryo enyūma w'ebiro munani abiga buwe babya omo nyūmba, na Toma haguma nabo. Neryo esyonyūyī isinakingire, Yesu mwasa, mwahangana omo katīkatī kabo, ati, Obuholo ūkw'inywe! Neryo mwabwira Toma ati, Leta omunwe wawe, ulangire ebyala byage. Leta ebyala byawe, ūhīrebyo omo lukanga lwage, subye bütikīrīrya, nīkwa wīkīrīra-

ye. Toma mwamūsūbīrya ati, Omukama wage na Nyamuhanga wage!

Emībīrī 10:39-41

Netu tuli balangīrī b'emyatsi yosī Yesu akola omo kihugo ky'Abayūda n'eYerūsalema. Kandi mobamwīta nibya erimukongomerera oko musalaba. Nīkwa Nyamuhanga mwamūlūbūkyā enyūma w'ebiro bisatu, kandi mwaleka inialolwako. Nīkwa abandu bosī mobatamulolako, nīna twe twabya balangīrī abo Nyamuhanga ayisoga erimbere. Itwe motwalya n'erīpūlyā haguma naye abilūbūka oko baholī.

Matayo 16:21

Erītsūka omugulu oyo Yesu Kristo mwatsūka erīkangya abiga buwe kw'atolere eriya eYerūsalema, n'erīagalībwa omo myatsi mingi n'abakulu, n'oko bahe-rerī bakulu, n'abakangirirya b'Emigambo, n'erīitwa, n'erilübūkī-bwa enyūma w'ebiro bisatu.

Yoane 5:28, 29

... Simusweke busana n'ekī, kusangwa endambī ikasa, oko mugulu oyo, abosī abali omo masinda basyowa omulenge wuwe. Basyalūa omo masinda wabo; abakola emībīrī mibuya basyalübūka oko ngebe, n'abakola

ebibi basyalübūka oko lubanza bw'eritswerwa.

Abanya Roma 6:3-5

Sīmwasī kwehī itwe bosī ngoko twabatīsībawa erimatikana na Kristo itwabīribatīsībwa erimata-na n'oluholo luwe kwehī? Neryo omo lūbatīso lwetu twabiritabwa haguma na Kristo omo luholo luwe, Neryo ngoko Kristo alübūkī-bawa oko baholī omo lukengerwa Iwa Tata, litya netu itwatoka erirendera omo mibere y'engebe nyihya-nyihya. Kusangwa twama-bohana naye omo luholo luwe, kwenene litya twasyabya buguma naye omw'ilübūka liwe.

40 Eribya babūyīrīre embere w'Omukama

I Petero 1:15

Nikwa mubye babūyīrīre omo migendere yenyū, nga Nyamuhanga oyo wababirikira abūyīrīre.

Lūka 1:74, 75

Atuhe erītongolibwa omo byala by'esyonzīgū syetu, itwamukolera butsira buba, Tubye babūyīrīre n'abatunganene embere siwe omo biro byetu byosī.

II Abanya Korīnto 7:1

Neryo inywe banze betu, kusangwa tuwite esyondagane esī, tūyītegaye oko bītīsīrīre byosī eby'omubiri n'eby'ekīrīmū, kandi tusonde eribya babūyīrīre ndeke

n'erirendera omo lubahwa Iwa Nyamuhanga.

I Petero 1:2

Nyamuhanga Tata, mwabamiya kera n'eriyisoga nywe. Omūlimū Abūyīrīre iniabiribahigula, imwatoka erīowa Yesu Kristo n'erieribwa omo musasi wuwe. Olukogo n'obuholo bibye nenyū kutsibu.

I Yoane 1:9

Nikwa twamakangya ekwene ne y'ebibi byetu, Nyamuhanga siariregula, kandi akakola ekitunganene. Asyatubuyira ebibi byetu n'erītwerya kw'ekitatunganene kyetu kyosī.

Omundu amera oko myatsi mibi eyī, asyabya ng'ekibindi ky'e-mībīrī yowene, iniabirihigulwa erigasira Omukama wuwe, neryo abīrīsika busana n'obuli mūbīrī owene. — II Tīmoteo 2:21

Waefeso 1:4

Nyamuhanga mwayisoga twe eribya buwe, erimatikana na Kri-sto embere w'erihangikwa ly'ekihugo, ati, tubye ababūyīrīre butsira bulema embere wuwe.

Enzira nene yasyabyayo, n'embalu, nayo yasyahulwa mo mbalu y'erībūyīrīre; abatsandire sibendisyalaba muyo. Nīkwa yasyabya busana n'abandu abaka-

labaho. Abandu bakīrū sibendisyalaganda. — Īsaya 35:8

Abaebrania 13:12

Neryo Yesu nibya mwagalwa eyihya oko lūkyo l'omūyī, iniatoka erihigula abandu omo musasi wuwe ĩgowene.

Matayo 3:11

Nīkwa ĩngye ngababatīsaya omo magetsi erīkangya ngoko mwabiribindula emitima yenyū erireka ebibi; Nīkwa oyukandisyasa enyūma kwīngye asyababatīsya omo Mūlimū Abūyīrīre n'omo muliro. Kandi anyīrengīrye maka, nage sinyitolere erimuhekeru syongendero siwe.

42 Abandu aboswire n'Omūlimū Abūyīrīre

Emībīrī 13:52

Kandi abiga b'eAntīokīa mobūsūla n'obutseme n'Omūlimū Abūyīrīre omugulu gosi.

Abanya Roma 8:9

Nīkwa simwekwama obūlengēkanīa bw'omubiri, nīkwa obw'Omūlimū, Omūlimū wa Nyamuhanga amabya ikere omwisi wenyū.

Luka 11:13

Nomo mune babi, mūnasī erīha abana benyū b'olūsūnzo lubuya. Tata wenyū w'elubula sīalabīre aho erīha Omūlimū Abūyīrīre oko bakamūbūlaya kwehī?

Emībīrī 4:31

Neryo babere babisaba, aho babya bahīndene mohasūka-sū-

kanībwa, n'abosī mobūsūla n'Omūlimū Abūyīrīre, mobabūga ekīnywa kya Nyamuhanga omo butubaha.

Emībīrī 1:8

Nīkwa mwasyabana obūtokī omugulu Omūlimū Abūyīrīre asyabahikako. Kandi mwasyabya batūlī b'omwatsi wage eYerūsālema, n'omo Yūdea yosī, n'eSamarīa, n'erīhīka oko ndūlī-ndūlī y'ekihugo.

Ezekīelī 36:27

Kandi nasyahīra Omūlimū wage omwisi wenyū, n'erireka imwālendera omo migambo yage, nenyū mwasyateya erikola ebilayiro byage.

Erībīsūlīrwa 21:4

Nikwa asyasingula emisonia oko meso wabo. Kandi oluholo silwendisyaswabyaho, erisusuma-na kutse eririra, kutse eriagalwa. Emyatsi y'erimbere yabirirenga.

I Petero 4:12, 13

Abanze, simusweke busana n'erirengwa erikalire erikabahiko nga ni kindu ky'ehandi busana nenyū. Nikwa mutseme kusangwa mukasangira amalige wa Kristo. Neryo omugulu olukengerwa lu-we lwasyabisulwa, imwatoka erit-sema n'eritsanga.

Isaya 66:2

Kusangwa ebyala byage byo byakola ebī byosī, n'ebindu byosī

mobyabyaho bitya, Omwami Mukulu atya. Nikwa nasyasamalira omundu oyūkayikehaya n'ow'ekī-rīmū kihehere, n'oyukatitimana busana n'ekinywa kyage.

Esyonyimbo 34:18

Omwami Mukulu ali hakūhī n'ab'emitima ibūnangikire, akalamaya abatawite amaha.

Mariko 9:23

Neryo Yesu mwamubwira ati, Ūkabūga uti, wanganatoka! E-myatsī yosī ikatokekana busana n'omundu oyuwite erikīrīrya.

Esyonyimbo 37:3

Uyiketere Omwami Mukulu, ukole bibuya, wīkale omo kihugo, ubye buholo.

Abaebrania 2:18

Kusanwa iye abiriagalwa omw'ilengwako, akatoka erīwatīkya abakalengawako.

Tūnasī ngoko Nyamuhanga akaleka emyatsi yosī iyowana busana n'abakamwanza, kandi busana n'abo abirikira ng'erīyīsūnza liwe. — Abanya Roma 8:28

I Abanya Korīnto 10:13

Eriřengwako erylō likabahīka-ko lye n'erylō lyo likanahīka oko bandi bandu; Nyamuhanga si- līregula sīendisyalīga mukaleng- wako kwilaba amaka wenyū; nī- kwa omw'irengwako erylō asya- baha amaka w'erīyīyīnīa n'enzi- ra y'eribala.

Abanya Roma 16:20

Kandi Nyamuhanga oyukatuha obuholo, asyahīnolera Satānī yo lūba omwisi w'ebisando byenyū. Olukogo lw'Omukama wetu Yesu lubye nenyū.

Esyonyimbo 34:19

Omundu oyutunganene akaga- lawa omo malīge mangi, nīkwa Omwami Mukulu akamūlamaya omo gosī.

Omugulu tukalaba omo mwa- tsi, nasyabya haguma nawe, n'eri- laba omo syonyūsī, sisyendisya- kubwayirako. Omugulu ukalaba omo muliro siwendisyahya, kutse ekirimi ky'omuliro sikyendisya- kūhīsyā. — Isaya 43:2

Erībīsūlīrwa 3:21

Oyūkakinda, nasyamuha ehamūlī erīkala haguma nage oko kītumbī kyage ky'obwami, ngoko nīkala haguma na Tata wage oko kītumbī kiwe ky'obwami.

Erībīsūlīrwa 3:5

Oyūkakinda asyambalībwa esyongimba nyeru-nyeru, kandi si-ndiendisangula erīna liwe omo kitabu ky'engebe. Nasyakangya erīna liwe embere sya Tata wage, n'abamalaika.

Erībīsūlīrwa 3:12

Oyūkakinda, nasyamuyira mo ndūyī y'omo Hekalū ya Nyamuhanga wage, kandi īsiendisyalūamo kera na kera. Kandi nasya-

musaka kw'erīna Iya Nyamuhanga wage, n'erīna Iy'omūyī wa Nyamuhanga wage, go mūyī w'e-Yerūsalema muhya-muhya, owandisyandagala akalūa elubula uku Nyamuhanga. Kandi nasyamusaka kw'erīna Iyage lihya-lihya.

Oyūkakinda nasyamuha emyatsi eyī: Nasyabya Nyamuhanga wuwe, naye asyabya mugala wage. — Erībīsūlīrwa 21:7

Erībīsūlīrwa 2:7

Oyuwite amatwī owe ebyo Mūlīmū akabwira esyokanīsa! Oyūkakinda, nasyamuha ehamūlī y'erirya oko bigūma by'omuti w'engebe owakalasa omo Paradīso ye ririma Iya Nyamuhanga.

I Abanya Korinto 7:10, 11

Nikwa ngategeka abahikenie, nikwa ni Mukama, si ngye, ati, Omukali sialue ukw'iba wuwe. Nikwa omukali amalwamo, isiaswahikibawa, kutse aswesangana n'iba wuwe. Kandi omulume siahige omukali wuwe.

Luka 16:18

Obuli mundu oyukakomola omukali wuwe akaswahikya ogundi mukali iniakasingira, n'oyukahikaya omukali oyuliakomolawa n'iba wuwe, iniamabisingira.

Abanya Roma 7:2, 3

Kusangwa omukali oyuhikibwe abohire ukw'iba wuwe omugu-

lu gosi akineho; nikwa iba wuwe amahola, iniamaboholwa oko mugambo owamuboha ukw'iba wuwe. Neryo iba wuwe amabya akineho, omukali oyo amikala n'ogundi mulume, asyahulwa mo musingiri; nikwa iba wuwe amahola, ni mwiranda omo migambo. Si musingiri amahikibwa n'ogundi mulume.

Matayo 5:32

Nikwa ingye ngababwira nyiti, obuli mundu oyukakomola omukali wuwe, butsira busana n'omwatsi w'erisingira, akaleka iniasingira, n'omundu oyukahikaya omukali oyuliakomolawa iniasingira.

Kandi namayakokotya aho wenyū, nasyaswasa, n'eribatwala ewage; neryo imwatoka eribya aho nyiri. — Yoane 14:3

Ngandiasa lūba! Muhambe ndeke ebyo muwiteko, sihabye omundu oyūkahūnga embīta yawe. — Erībīsūlirwa 3:11

Matayo 24:27

Kusangwa Omugala w'omundu asyasa ng'akarabyo akakakolera ya kakalūa eyo eryuba likahuluka n'erikangabasanā, n'erihika eyo eryuba likalengera.

Kusangwa omundu amakwa esisoni busana nage, kandi busana n'ebinywa byage omo lulengo

lubi olū l'oluteto olutekenga Nya-muhanga, Omugala w'omundu asyamukwa esisoni omugulu asyasa omo lukengerwa Iwa Tata wuwe haguma n'abamalaika buwe babūyirire. — Mariko 8:38

Neryo ekiminyikalo ky'Omugala w'Omundu kyasyahuluka omo kyanya; neryo ebihanda byosi by'omo kihugo byasyasūsūmana, kandi byasyalangira Omugala w'Omundu akasa oko bitū by'ekyanya n'obūtoki bunene n'olukengerwa lunene. — Matayo 24:30

Nenyū nibya, muyibombeke! Mūsikaye emitima yenyū, kusangwa ekiro ky'eriasa ly'Omukama kiri hakūhi. — Yakobo 5:8

I Yoane 3:2

Abanze betu, lino tuli bana ba Nyamuhanga, nikwa sikyetami-nyikala ngoko twasyabya. Nikwa tūnasī ekiro Kristo asyabutuka, twasyamusosa, kusangwa twasya-mulolako ngoko ali.

Kusangwa Omugala w'Omundu asyasa n'abamalaika buwe omo lukengerwa Iwa Tata wuwe; n'oko mugulu oyo asyahe-mba obuli mundu ng'emībīrī yi-we kw'iri. — Matayo 16:27

Nenyū nibya, mubye imūnasī-kīre; kusangwa Omugala w'Omundu asyasa oko ndambī mūtale-gekenie. — Lūka 12:40

Neryo basyalangira Omugala w'Omundu akahuluka omo kītū, n'obūtokī, n'olukengerwa lunene. — Lūka 21:27

Emībīrī 1:11

Bati, Inywe balume b'eGalīlāya, busana nakī mukahangana aho, mukasamalira omo kyanya kwehī: Yesu oyukabitwalwa elubula akalūa ūkw'inywe, asyaswasa atya ngoko mukabimusamalira akaya elubula.

Erībīsūlīrwa 16:15

Mūlebaye! Ngasa ng'omūrahī. Obutseme buli oko mundu oyuteyato, n'oyūkategaya esyongimba siwe, akasyalendera ndūmbū n'erihemuka embere sy'abandu.

Ekinywa kya Nyamuhanga

Ekyanya n'ekihugo byasyahwaho, nĩkwa ebĩnywa byage sibiyendisyahwaho. —Lũka 21:33

Nĩkwa Yesu mwasũbĩryabo ati, Mukatala, sĩmwasĩ Amasako, kutse amaka wa Nyamuhanga.

—Matayo 22:29

Kusangwa sihali eriminyerera eryahĩka na kera omw'isonda ly'omundu, nĩkwa abandu mobabũga ebĩnywa ebyo Nyamuhanga ahabo ibakasondolĩbawa n'Omũlĩmũ Abũyĩrĩre. —II Petero 1:21

Kusangwa Amasako gosĩ Nyamuhanga yo wategekanayago. Kandi ali n'endũndĩ busana n'erĩkangĩ-

rĩrya omwatsi w'ekwenene, kandi busana n'erikunga erihaba, kandi busana n'erihabula, n'erĩkangĩrĩrya abandu erikwama ekitunganene. —II Timoteo 3:16

Ngabika emigambo yawe omo mutima wage, Neryo sindiendisyakukolera malolo. —Esyonyimbo 119:11

Ekĩnywa kyawe ni tala y'erinyisondola, Ni kyakakala busana n'enzira yage. —Esyonyimbo 119:105

Simusyatomeka oko kĩnywa ekyo ngabahana, kutse simusyekehayakyo, imwatoka erĩteya ebihano by'omwami Mukulu Nyamuhanga wenyũ ebyo ngabahana.

—Ebihano 4:2

Text reprinted from the Bible in Kinandi by permission of United Bible Societies Africa Regional Centre, Nairobi, Kenya.

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc.
P.O. Box 120
New Paris, Indiana 46553 U.S.A.